

澹慮



序

程芑田履豐余視學院中所得士感受知之誼執弟子禮甚恭因叩以家學並詢訪新安人士始知其 尊人耕灣茂才天資高邁博覽羣書一日數行並下性喜飲工吟詠各體廉長屢見賞於學使者每試輒冠其曹以是聲噪庠序人多以大器期之惜年未三十遽赴玉樓芑田時甫數齡遺稿不無散佚今秋芑田明經分發縣令入都以先人手澤未忍棄置因搜得詩詞試帖共若干首問序於余余愛其清麗芊眠驚才絕豔而性靈自流露於楮墨間乃歎潛慮軒存稿

新安人士曩所爲余言者激賞爲不虛也 耕灣雖才豐邁齋而析薪負荷繼起有人其亦可以稍慰矣夫同治歲次戊辰長至日順德羅淳衍謹序

序

吾鄉山川沈厚而深秀生其間者莫不敦崇樸學間或發爲詩歌亦必務植根柢自抒性靈不屑爲時俗側豔之體如予所聞

耕灣程先生其一也先生幼負異姿克承家學十歲成詩出語輒驚其長老弱冠受知於學使者實應朱文定公朱公號稱嚴厲少所許可而甚器先生迨長白鄂公尤擊賞其歌詩取冠郡士於是先生名益噪咸謂天池鵬奮指顧間耳豈知冥命不融巫陽遽下生平著述遂多散佚遺孤

澹慮軒在稿

二

芑田大今成立後極力搜羅僅得古今體及試律若干首今傾慕者無由得窺全豹惜哉雖然古詩人或以句傳或以篇傳今先生所作裒然成集所謂務植根柢自抒性靈者卽此可見誠足備吾鄉文獻矣詩豈必多乎哉抑又聞之溫柔敦厚詩教也今芑田大令以明經高第出宰隴右誠奉詩教以仁愛斯民將見豈弟君子頌聲交作則是編也其卽先生遡庭之訓也夫

同治八年歲在己巳八日國子司業 南齋翰林郡後進

黃鈺孝侯甫序於宣武城南寶鸞瑤鵬之館

題辭

芭田大令官成紀政成人和靡不理公餘抄詩百餘紙郵筒寄我向我啟先人著作今古體乞爲簡端加數語我如聞韶誇盡美不圖爲樂至於此不支不蔓不纖綺亦清亦麗亦巖舉忽而光怪生筆底霞光五色冲天起忽而爽氣挹眉宇秋山一色明如洗大聲水上發不止餘音梁間繞不已吁嗟斯才世有幾胡爲與才不與齒賈生痛哭臨湘水天上樓成人逝矣生才殺才故何以天意茫茫如夢裡我思其故得微旨屈於此者伸於彼傳家幸有趨庭鯉父

題辭

書早讀詩兼禮展驥長才非百里誓向花封作霖雨官如父母民如子巷祝衢歌爭樂只後人繼志前人喜有子如斯父不死噫吁嘻有子如斯父不死况有遺詩堪付梓

芭田明府宰銜泉官聲卓越民愛之如父母遐邇謳歌
口碑載道循吏也夏間郵寄其

封翁紆灣先生大著矚爲題跋捧誦之下欽佩實深敬
弁斯言以誌拳服時同治九年十一月十七日書於天
水差次之時雪軒宜庚鄉後學張瑞珍未定草

澹慮軒存稿

婺源 程鶴輪 耕灣

古意

今日送即行明日即何處不如馬尾蠅遠近隨即去
望即即不歸妾愁向誰訴鋤去合歡花種就相思樹

塞下曲

北風捲旌旗白日寒無光壯士持玉龍萬里走沙場回頭
望家山清淚溼衣裳

飲馬長城窟

澹慮軒存稿

塞雲黯澹西風起箏篋鳴鼓聲迺長安年少意氣雄騎
馬出門走千里走窮千里路轉長塵沙飛撲征衣黃欲前
不前馬嘶渴茫然四顧心徬徨停鞭暫駐長城窟窟中有
水流不竭燐火熒熒白晝靑陰風如刺徹肌骨一飲再飲
重趺躡窟旁老卒相欲獻征戍于茲三十載家山渺渺無
音書願君此去邊氛弭汗馬功成報天子封侯生入玉門
關莫作長城窟邊鬼

郊行即目

春郊聞步興無涯芳草斜陽路幾叉箇是誰家好庭院矮

牆紅出一枝花

送春

韶光九十幾流連春到歸時思黯然花院已醒蝴蝶夢酒
筵空唱鷓鴣天垂楊細雨愁千縷芳草斜陽恨一年祇有
呢喃雙燕子依依伴我畫堂前

聞鵑

藥闌閒倚思依依月挂枝頭杜宇飛博得惜春人一笑看
花也勸不如歸

贈野老

澹慮軒存稿

二

南村有老翁枕山結茅屋比鄰四五家耕鑿常安樸門掩
雙扉柴路通三徑竹朝起雞哺雞暮歸牛帶犢春浪麥苗
肥秋雲稻子熟歲晚心益閒含哺而鼓腹釭面倒臘醅甕
頭懸社肉絮襖生奇溫簷前晴負曝官租無吏催農書有
孫讀此樂人不知消受羨君獨堪笑名利身風塵苦馳逐
題石超然內弟曳杖尋詩圖

流水孤村遠閒雲曲徑深眼前卽詩境一步一沉吟

行法不挂百錢位立暫畱雙屐笑君尋畫中詩惹我讀詩

中畫

輞川風景是耶非秋樹蕭疎澹夕暉最羨詩人好玉度紅
藤矮杖白荷衣

秋聲八詠和墨莊兄

雨聲

一點復一點澹澹聽未眠愁中難遣此疎處倍淒然得句
梧桐院懷人蟋蟀天殘燈挑欲盡涼意透詩肩

風聲

讀到秋聲賦秋懷益自悲疎林鳴撼撼落葉下遲遲白屋
茅飛處青衫葛冷時純鱸好風味那不動鄉思

澹盧軒存稿

三

笛聲

吹醒竹牀夢西風人倚樓黃昏月方霽碧落雲皆秋不斷
老龍吼何堪寒蚓愁側聽三弄罷四壁生清幽

鐘聲

古寺不知處疎鐘斷復連空山僧入定孤枕客妨眠霜信
秋三節寒愁夜半天教人心打碎一杆一淒然

砧聲

一淚一聲杵樓高聽暮砧無眠驚夜夢底事擣秋心萬里
別離恨終宵斷續音蕭蕭催木葉寒氣逼衣襟

機聲

促織聲何急寒閨月色新
繁愁抽乙乙織手展申申
錦字誰家淚紅燈隔巷人
光陰梭一擲感觸獨傷神

蟲聲

唧唧復唧唧秋蟲底不平
晚風蘆簷岸殘月豆花棚
寫怨孤燈黯擾愁一笛清
何曾關我事却惹夢難成

雁聲

關塞杳何極南征候雁哀
艣搖前浦去書送隔江來
空外餘音度樓頭短夢回
遙天秋月白日送獨徘徊

澹虛軒存稿

四

題馬瑤草畫山水

隆皞一豎劫灰消奸相風流付寂寥
遺墨改藏增感慨殘山曠水弔南朝

曼嶂層巖幾萬千祇論翰墨却堪傳
可憐絕藝同遭棄一部烏闌燕子箋

燈夕詞

真龍首尾任驚猜街接星橋次第來
爭赴使君堂上去千聲爆竹戟門開

詩牌花傘劇玲瓏漫道挑燈製獨工
白紙短旗烏墨字風

儂讀畫幾沈吟

賽社詞

雨打棠梨新燕飛陰迷桑柘鶉鳩啼
吉日維戊方及期家
家賽社無敢遲紛攜白酒縛黃雞
黃童白叟相與隨村巫
率之來叢祠巫號眾曰神在茲爾眾祝之虔致辭於時紙
灰飛蛺蝶香篆裊狡狴小大稽首向神祈願神呵護風雨
時秋成禾稼崇墉齊雲中恍惚鷓鴣旗神之來兮如在神
之去兮何之婆娑鼓罷人漸稀里宰割肉均無欺夜來剝
啄聞扣扉鄰家扶得醉人歸

澹慮軒存稿

七

早度芙蓉嶺

夢回茅店亂雞聲催促輕裝嶺上行
前路糲糊渾莫辨曉
雲濃傍擔頭生

危峯簇簇插層霄深澗低橫獨木橋
奇絕磴懸崖斷處一
簾瀑雨噴山腰

遊太平十寺

太平橋外謫仙樓曲徑斜通境更幽
不識禪關何處是凌
空塔影豁吟眸

漸無行跡亂苔封尋到山門路幾重
剛值僧厨午炊後西

風吹出破樓鐘

煮茗談禪絕俗氛
恩恩歸去又斜曛
松花滿地發聲老
一箇僧難掃白雲

病起

閉門半月獨呻吟
病骨支離瘦不禁
花愛香濃偏損肺
詩貪句險果嘔心
閒庭小步拈枯杖
短榻多眠傍雅琴
屈指梅梢春信早
幾時約伴隔溪尋

送董琴川設視姑蘇

唱罷驪駒客欲行
臨歧分袂不勝情
東風慣繫離人思
爲憐
猶慮軒存稿
遺堊楊綠滿城

煙雨輕帆一幅
飄計程千里
夢迢迢
書檣若向西湖繫
莫
鴛鴦花醉六橋

下帷嚴課六經書
宿學交推重
兩舒菴
來調羹
作繪先
生饌
最羨秋初

贈行時預問歸時
豈爲歸來
慰別離
湖訪僧
臺村由里紀
遊定滿一囊詩

久雨

空有庚晴望
絲絲半日餘
涇泥黏燕壘
破壁蒙蟲書
寒重

花枝瘦煙迷草夢舒踏青頻負約著屐倍愁余

喜見新月

春光漸老海棠枝積雨曾踰十日期今夜何緣見明月青
天不肯負蛾眉

太白酒樓懷古

碎月灘頭新水碧兩岸落花啼蜀魄峩眉仙人去不返蒼
茫雲鎖樓千尺樓上危欄樓下舟今古茫茫江水流停杯
舉首發大笑當年白也狂名留夜郎不使仙才朽讀詩來
尋方外友詩腸作祟不肯間罰飲黃壚三日酒東風一夜
澹慮軒存稿

九

客心催醉夢模糊歸去來高樓依舊人何在壁中蠟淚紅
成堆

新安竹枝詞

經史編摩樂有餘紫陽山下結蝸廬五更明月三冬雪慣
爲儂家照讀書

玉杵丁東隔院聞廷珪墨譜訂辛勤貽君乞鑿松心古點
過膏油五百觔

問政山高筍怒生幾回禪院訂詩盟燒豬滋味參詳否都
是阿師親手烹

孤篷細雨泊漁梁紅泛桃花繞棹香釣得鱖魚長一尺半
畱供客半貽郎

沙鷗拍拍小溪彎太白樓前放棹還安得春波化春醪一
帘酒賣綠楊灣

浴佛光陰喜放晴村氓報賽劇關情千聲爆竹萬聲鼓辛
苦擡神入府城

太平橋北足煙霞客肯來遊路漫差古寺十椽闌五里枕
山茅屋是兒家

黃茅結屋傍溪坡水碓涼涼漱白波一白桃花一聲杵漁
澹慮軒存稿

舟夢破五更多

圓通菴觀丁南羽畫壁

行穿曲徑深篁入古寺三椽風雨吸何年畫壁今尙存逼
眼淋漓霏墨汁丁君繪事高無比人或擬之吳道子興酣
落筆空古今一水一石妙驅使想見當時翠黛被風雲拏
攫極精神旁觀負手贊不得層巒疊嶂爭嶙峋歲月茫茫
曾幾易破幢壞塔黯無色此壁猶然神鬼呵空山白晝煙
羅黑

撲螢詞做香奩體

碧羅衫子晚風涼螢火燐燐落野塘
休向紅蕖深處照並頭花底睡鴛鴦

縹囊幾日費安排覓覓尋尋姊妹
借小立瓜棚歸去晚露珠涼透
牡丹鞋

臥看牽牛夜未眠湘簾晴捲海
棠煙無端勾起愁千種
秋風又一年

乍明乍滅燦星星飛向即邊翠
袖停一點寒光最難覓
饒他界著水晶屏

秋風

澹慮軒存稿

十一

纔奏南薰一曲琴無端蕭瑟換
商音幾椽老屋茅吹破半
角寒山葉落深紈扇已添中
夜怨蕤絲誰起故鄉心嗟余
病骨知秋早冷逼輕衫瘦不禁

秋雨

惆悵蕭齋漏不乾淒淒切切遣
懷難涇沾苔髮蛩聲冷涼
入蕉心鶴夢寒扶傘僧歸黃
葉寺披蓑人釣白蘋灘農家
方慮禾生耳願放新晴日影團

秋山

看山最愛夕陽斜領略徐熙畫
意賒紅葉堆中迷客路白

雲窩裡露人家疎林鴉點千行墨曲徑樵歸一擔霞翻恐
新綃恣摹寫峰巒澹遠認還差

秋水

一泓澄清萬頃秋長天遙接碧悠悠鷗波畫靜自成夢漁
火夜明相對愁四五尺添蘆荻港兩三船泊蓼花洲伊人
欲訪今何在中泚中坻幾溯游

秋柳

沙堤極目遠迢迢
楊柳懷柳萬條腰舞西風圍更瘦眉
攢曉露黛全消夕陽歸燕逃官道流水棲鴉冷畫橋轉憶
澹虛軒存稿

三

春深寒食節花香滿店酒人招

秋桐

幾日秋風到敝廬
窗前梧葉下徐徐杳無么鳳重棲託雁
得寒蟬暫寄居金井波涼霜信早銀牀夢冷雨聲疎題詩
盡好供詩料一片拈來紙不如

賀墨莊兄納寵

夢入梅花翠羽吟又聽豔曲唱同心自今怱怱詩人筆眉
畫雙雙較淺深

蘭閨韻事客爭談春未來時暖意酣更卜明年風信早花

開姊妹草宜男

題畫

流水澹秋波扁舟橫古渡老鴉寒不歸斜陽紅上樹

題董元宰畫卷

卷中有陳微君詩

少宰風流歇於今三百年當時幾陳董此卷兩神仙古木影斜照人家殘晚煙幽懷澹如許讀畫企前賢

春夜夢至一處亭臺幽雅花木芬芳有碧衣女子簾

外調鸚見客驚退袖中遺出短箋余拾而視之乃

蠅頭細字寫詩一首末二句云劉阮不來春又去

澹慮軒存稿

十三

枉教人恨碧桃花方欲步和已被雞聲驚覺矣枕

上悵然百作

燈暗書窗月上遲夢魂恍惚遇仙姬鬢雲撩亂眉痕淺可

是懷人病起時

畫樓半角亂紅多人倚闌干恨奈何吟就相思詩一首簾

前親自致鸚哥

玉骨珊瑚不染塵相逢半面倍丰神佩囊聲杳牽簾入那

惱仙屍底吠人

東風何事太顛狂吹墮吟箋字幾行侍婢竟將儂錯認

花低語問劉郎

柳枝詞

芳菲三月送郎時不唱陽關唱柳枝煙縷也知離別苦向
人先自鎖愁眉

門前幾樹碧依依輕拂鞦韆絲得意揮預備棗糕酬九烈願
彈青汁染郎衣

芳草芊緜綠到門重牽別緒黯消魂郎君試看高枝上箇
是前年手折痕

赤闌橋外短亭前萬縷千條嫩似煙郎馬如飛繫不住曉
澹慮軒存稿

十四

風殘月奈何天

濛濛細雨暗溪頭綠柳陰濃熨畫丹妾是長條郎是絮郎
情輕薄妾溫柔

萍飄無定水盈盈爲記游蹤倍愴情竟日三眠誰喚起落
花風裡一聲鶯

淡芭菰

嘉產高驅著移根不計年邊陲初播種中土漸流傳爲考
芭菰號閭翻本草篇相思名更美厥好俗都沿培植餘功
及收成重利專一犁開繡陌幾稜傍瓜田栽趁云秧暇鋤

宜打麥前紅丁茶壼長翠甲菜同妍萌坼春風暖花垂夏
雨鮮灌還勞甕抱護或待籬編濃蔭添如許清芬撲宛然
綠肥剛暑月黃隕又秋天密葉忙刪採拈莖任棄指壓將
新篠重夾到短筠便屢曝層層透勻鋪片片連聲乾疑木
穰氣馥勝蘭荃揀惱村姑手裝誇販豎船霜刀舂細切土
銚火微煇潤借蟬膏拌香兼麝腦全品衡標定價識記印
殘箋肆向塵街列旗偕酒市懸高低隨嗜異購買每嘗先
莢伴卽君佩蚨分處士錢吸憑祛瘴霧噓卽散雲煙小燧
敲金響孤箭截竹圓搓搏馨染指含咀事休肩飯罷排孤
澹慮軒存稿

十五

悶吟餘破倦眠人拋逾得味相對憤流涎致敬聊供客蠲
愁恍欲仙爐灰空砌落篆影隔窗偏性近檳榔醉功伴茗
莖煎九州今盡有何侯覓張騫

爲鐵生姪題畫

鷓鴣天氣雨淒淒垂柳垂楊夾岸低無限離情春去也綠
波一棹畫橋西

種海棠於石隙中已有活者戲占一絕

護花何事乞春陰放出新枝喜不禁撮土勺泉亦生意主
人此手值黃金

寄墨莊兄吳中

悶絕書齋客春長獨掩關無端鶯鵲噪有信尺魚還慰我
愁中思懷君別後顏賦詩緘寄與千里寸心間
憶昔送君別穉舒嫩柳黃揭來三月暮倏已萬條長夜雨
故人淚東風游子腸何時買歸棹握手白雲莊

勝地煙光麗輪君取次遊沽春楊柳岸棹月木蘭舟短簫
荒祠古長洲舊苑幽畱題應已徧裝滿錦囊不

夜夢非非想逢君在客中屐痕僧寺碧燈影妓樓紅別思
渾忘却游蹤快與同醒時情曷遣月落屋梁空

澹慮軒存稿

十六

紅蕉

乞來佳種阿嬌看灌溉頻頻護曲闌君子美人欣伴牆
陰新補竹三竿

小榜何曾署綠天瓷盆竹几自清妍卻因學字常塗抹醉
墨紛題翠袖邊

中秋吟

簫鼓聲喧破寂寥山城風景似元宵瓜成火樹懸千箇香
作星橋炷萬條

浮圖尺許勢凌空輪與童心結構工記取月明燈上看燈

玲瓏又月玲瓏

菱菱棗梨列滿筵兒童相對各欣然如何望月情逾切月
到圓時餅也圓

深宵拜月莫遲遲見說圓時勝缺時那識缺圓愁一樣圓
如秋扇缺顰眉

戲內

屈指佳期十五過爲招賞節畫新蛾娘家城外兒城裡最
怕相逢熟客多

哭蔚霞姪

澹慮軒存稿

七

罡飈摧折碧曇枝慟哭斯人數太奇聚首三年翻易別嘔
心一病竟難醫家駒譽爾洵無愧易象占余已自悲姪病劇時

余爲筮得睽卦色色空空都悟澈不堪風雨滿城時

雪泥鴻爪證頻年樽幾同開榻幾連兩屐落花絨恨日一
燈吟蟀碎愁天句成憤惹知心和態倦曾同病肺憐露欲
爲霜人已杳遺篇重讀淚潸然姪自館課露從今夜白詩後不復吟詠

香生芹茆泮宮游華髮青衫氣宇迥驥展方騰千里勢騰
巢忽喚一聲秋珠紅貝闕空珊網字綠虬文重玉樓塵篋
遺書堆幾許辛勤阿弟爲搜求

彼蒼慘甚未由呼魂返稠桑事有無入室雙親愁黯黯扶
牀一子泣呱呱跡踈匝月書帷冷識記重陽酒盞孤姪久斷飲
欲於重陽弛戒搔首西風吟思苦空齋夜午怨啼蛄

擬唐人曹堯寶小游仙

嘯傲蓬山忘歲華閒時煮石更餐霞等閑玉戲瓊樓上滿
地都霏六出花

十二樓臺浸碧虛仙家都借白雲居偶然游到瑯環地飽
讀人間未見書

記來明月是前身員嶠方壺侬比鄰昨夜玉皇新降旨許
澹虛軒存稿

儂獨跨石麒麟

茹芝餌朮學長生久鍊真丹九轉成種得瓊瑰三五畝春
來忙煞赤龍耕

壺中好景世應稀竟日清談玉塵揮咳唾莫教空際落隨
風都幻作珠璣

天風吹我落神山試劍談棋歛月閒洞口桃花自開落不
隨流水到人間

衆仙今日又相招同詠霓裳逸韻調輸與彩鸞新調好鳳
凰背上一枝簫

廣寒宮殿影參差丹桂香飄夜漏遲寄語吳翁停玉斧待
儂折取兩三枝

擬元人林城南八臺詠

姑蘇臺

吳門月落烏啼早吳宮美人沈醉倒嬌歌豔舞歡未央
芙蓉泣露蓮涇曉花容如舊人面非鸛夷一舸去不歸粉黛
三千驚出走此中有施知者誰吳儂登臺歌懊惱啼鵲血
灑紅心草

章華臺

澹慮軒存稿

十九

區區王業不余畀爾龜雖靈可投地乾溪出走艱一餐意
氣宜何益驕肆子圍妄舉良足羞不時興作耽宴游長鬣
相歸曾幾日細腰人別已千秋高臺月黑飢饉語麥飯梨
花寒食雨

黃金臺

四國龍媒伏不少未經市駿出恐早偉哉燕昭此臺築甘
棠舊業繁復保毅來自魏行自齊請從隗始語不欺奈何
青宮修舊隙火牛倉猝衝壘馳易水壯士二十耳尚有荆

軻好男子

高陽臺

旦爲朝雲暮爲雨神奇變幻巫山女大王風起方稱雄夢寐何曾通笑語謫諫雖然一德孚文人賦筆何虛誣諷詞更托登徒子忠愛何如屈大夫至今眺望高唐觀江上峰青腸欲斷

歌風臺

神龍怒吼毒蛇死笄冠亭長依天子雲氣飛揚笄韻高丈夫得志固如此戛戩貫酒時等閑枌榆一旦瞻龍顏此歌此會自古何待振響行雲間再傳朱虛同好事坐上田澹慮軒存稿
三

歌拂媪意

戲馬臺

芒碭小兒不足降鴻門罷酒玉斗撞亭長艤舟謝不渡此人此馬俱烏江我王氣壯奈德薄半生叱咤空霸略呼天亡我天不鷹鳥騅歌作悲何若我來繫馬高臺旁笑人花開春草香

望思臺

桐人夢崇龍牀耳鬼蜮售奸收太子嗟哉趙虞誠忍心許殺阿丹讒未止壺關上告論何公匿名晦氏言幸庸他日

史狐著直筆列傳曾否神仙中望思臺高哭兒築掖庭有
囚思親哭

銅雀臺

銅雀不飛鴛鴦飛齊頭片瓦珍珠阿瞞雄概今安在寒
青老綠空獻欸二番不鎖失彼美變計沾沾說賣履奸謀
奈爾身後何轉眼西陵叢棘起我尋遺址讀殘碑七十二
塚草迷離

送乩仙廖雲海先生之粵

仙名鵬舉自云揚州人
前明進士官遂安令

燭花酒盞約難虛行李蕭然得自如鶴背詩囊驢背雪僮

澹慮軒存稿

五

肩恰好付琴書

聯吟纔得伴深宵粵海無端一葦飄明月二分橋廿四還
家夢想更迢迢

羅浮勝境舊爭聞此去仙遊最羨君鮮味寒香都領略梅
花雪片荔支雲

題桃花扇傳奇

紅板橋頭舊恨賒蕭蕭敗柳亂棲鴉風流畢竟難消歇春
暮還開姊妹花

北來烽火照降旗殿上春燈轉眼非舞袖歌衫零落盡祇

今惟有蝶雙飛

談笑軍門客自狂
檀槽牙板說爭長
他年一掬亡興淚
分付漁樵滴幾行

忍將一死報君恩
鐵甲空留血淚痕
嶺上梅花三百樹
合憑孤鶴爲招魂

氣節端應讓笑人
卻嗇辭聘志逾真
可憐扇底桃花影
辜負秦淮幾度春

紛紛緹騎欲何之
馬阮憑權慘毒施
斷送南朝太容易
未嘗勒得黨人碑

澹慮軒存稿

五

元日試筆

秃管纔揮百感加
又逢新歲頌椒花
生涯拙似搬薑鼠
時序驚如赴壑蛇
病骨豈緣吟始瘦
時眉自怪畫頻差
但期喜氣從頭轉
漫草宜春兩字斜

題石超然四時懷人圖

歸帆盼到意欣然
樽酒重開月乍圓
那識故人多別恨
教余讀畫倍情牽

九十韶光似逝波
落紅滿地奈愁何
東風回首尋芳伴
若箇聯吟好句多

新愁入夏益難支夢到鄉園睡起遲漁笛一聲渺何處釣
橋西畔泊船時
悲秋情思太無聊小病逡巡借酒澆冷燴幾聲燈一盞客
窗風雨可憐宵
歲尾光陰臘鼓催故園消息費疑猜紅爐火暖天將雪盼
斷梅花未寄來

四序離懷不暫忘只今翦燭話逾長還當買棹西江去悵
望蘆花煙水鄉

過長兄墓有感

澹虛軒存稿

三

孤墳三尺掩荒岑挈榼重來感不禁惆悵去年垂淚處離
離草色盡紅心

雁行已斷影嫌單手澤空存不忍看檢得篋中書一紙某
年某月報平安

大旱歎

懶龍貪睡不肯雨旱魃依威猛於虎妖巫說法如兒嬉雲
壇打碎祈神鼓南村老翁淚盈掬仰首浩歎向天哭爲言
入夏常苦飢八口齧齧艱一粥昨朝悍吏打門來官符火
速官租催卽當鐵索向前擲全家心膽俱寒摧鄉鄰稱債

誰肯恤田圃就荒無處質書券賣牛情可傷稍遲輸納猶
呵叱噫吁嘻春耕夏耨秋無收剝肉醫瘡愁復愁老稚安
免填溝壑哀鴻四野聲咿嘸我擬一言訴當道萬千赤子
願懷保禁宰拈香可無事議蠲議賑還宜早

邑人重浚南郭外虹井喜而成四絕句

氣吐長虹上亘天地靈曾此毓名賢滄桑話到前朝事春
草秋花六百年

遠稽舊乘信非誣改井知緣改邑俱覓得溪南遺蹟在菜
畦幾稜傍瓜壺

澹慮軒存稿

五

登石殷勤掃綠苔香泉重快一泓開花瓢試酌清如許信
有源頭活水來

欣讀碑文兩字銘我來汲古跡頻經何時更訪屏山麓三
曲紅闌九曲亭

禽言

布穀布穀甌有塵倉無粟荒歲艱難籌一粥春耕尙冀秋
成熟布穀布穀

快快栽禾年來悍吏急催科官租輸納雖無多新稻未穫
將奈何快快栽禾

泥深難步水深恁度休誤休誤脫却布袴

笑煞吾忙煞奴舡不舡提葫蘆

行不得哥哥欲遲不行奈事急何世途多荆棘平地起風波
慎當安步毋蹉跎臨行也會勸哥哥

不如歸去君家何處我家那處不如歸去

姑惡姑惡婦不順姑姑性薄縱然姑惡休外揚爾胡撻舌
呼人傍呼人傍盡自思爾日毀姑姑不知爾當會有做姑
時

嘲也可諷也可譽我鳳凰却相左鳳凰不如我

澹慮軒存稿

三五

婆餅焦阿婆食餅怒不消怒不消婆心焦阿婆餅焦猶自
可阿婆心焦愁煞我

桑貴了繚娘飽食蠶娘惱蠶娘休惱繚娘好桑貴了絲貴
了

墨莊兄歸自金陵賦詩話舊

送君別後興何如難覓秋鴻遠寄書料得懷人新得句打
鐘時節卸帆初

光陰又是菊花天多少離愁暗自牽細雨一篷煙一艫渡
頭錯認幾歸船

把袂欣然慰所思
知君行篋滿堆詩
六朝遺恨言難盡
願譜囊中笛一枝

方擬驂騑早軼羣
依然下第屈劉蕡
故園後鶴間相伴
留住空山話白雲

漢武帝見李夫人歌

漢宮粉黛紛如土
鬪媚爭妍競歌舞
嬌嬈端讓李家兒
恩幸獨壓椒房伍
憶昔寒閨二八年
一朝選侍君王前
藏將金屋新承寵
認是瓊樓小謫仙
仙姝寵眷方足恃
豈期歸去驂鸞駛
合歡遺帶故依然
續命懸絲空已矣
從此君王

澹慮軒存稿

五

感悼多自收
鈿盒涕滂沱
枝畱獨活愁
無賴豆發相思喚
奈何暮暮朝朝長
太息玉顏莫覩空
追憶賸有臙脂土
一抔那得綺羅香
片刻何來道士跪
稱臣自誇異術可通神
能騎緱氏雲
中鶴去迓姮娥
月裡身天顏忽霧息
哀痛情癡轉望諧鸞鳳
鳴爐催蕤返魂香
鴛衾待作遊仙夢
銀燭熒熒暖畫屏
宵深猶坐帳中聽
細數更籤剛夜午
恍聞環佩戛冬丁
珊珊徐步宮扉入
睡眼朦朧措愈急
態仍未減舊腰支
色底含羞偏肯立
欲將私語叩從容
倏已雜聲達九重
送別手彈千點淚
打人心碎五更鐘
天明依舊傷心

別天明依舊愁眉結術果通神恨見遲生前未授長生訣
代石雲數外舅輓令兄漢閣先生

問訊荆花萎難禁淚雨流相睽纔一載此別已千秋入夢
情淒切招魂路阻修家山雲際辨行擬棹歸舟
話到平生事吾宗重典型燕詒勤續緒鯉對早傳經粹詣
圭無玷虛懷鼎有盟奈何櫻異疾謹守口如瓶

風雅尤交企蕭然兩鬢華呼僮閒煮酒畱客共看花屢蹟
名心澹高吟逸興賒玉樓偏赴召撒手謝煙霞

卅年深友愛旅館夢常縈愧我傷淪落思君隔死生輕颺
澹盧軒存稿
毛
驚雁序夜雨慘鶻聲握管增悲思靈兮鑿厥誠

田家雜興

幾椽老屋自成村花繞疎籬竹繞門此是田家好風景教
人認作小桃源

聲聲啼鳥喚栽禾細雨溟濛荷笠蓑試聽鄰家曾起早隔
牆先唱飯牛歌

竹籬土銜獨經營矮屋三間草草成門外桑陰青不斷納
涼好傍搭瓜棚

空林霜冷朔風寒紅上朝暾一笑歡臘酒半瓶齏幾箸負

暄人共坐團欒
人日正五天

藜羹麥飯滿新筐
餉盃人來日正長
椎髻誰家新嫁婦
野花紅插鬢邊香

村莊夜靜景蕭然
織屨縫裳意獨專
賴有疎鐘鳴遠寺
到人耳畔爲催眠

荷鋤早出暮還家
歸路昏黃轉易差
門巷幾條都彷彿
糠燈紅出短籬笆

村童散學值芳辰
陌上嬉游笑語真
短笛無腔吹一曲
學他春社賽神人

澹慮軒存稿

天

官租莫待吏頻催
又聽鄰家納賦回
爭把使君名姓問
幾年都未進城來

識字纔能記雨晴
沿村都共喚先生
年豐比戶忙婚嫁
占日人來記不清

十寒詩

寒鐘

鐘敲遠寺斷還連
月落烏啼思黯然
霜重漸將聲噤小
風尖偏肯韻吹圓
老僧夜起一龕火
旅客夢醒孤棹煙
此境蕭條誰耐得
懷人況值五更天

寒硯

石交深結歲寒盟
伴我清吟比玉貞
乾斷小池冰有骨
磨殘破壁墨無聲
黃庭揚罷半窗日
碧火炙餘三尺檠
試看羅紋微縷處
絲絲恰似凍雲輕

寒爐

草廬深雪夜高歌
茶鼎烹餘興若何
品字添柴三角少
禪心煨芋十年多
暖饒詩客肩忘聳
撥倦奚童手欲呵
頭腦冬烘任嘲笑
除教負曝便摩挲

寒帆

瞻慮軒存稿
五
枯牆如織望無涯
一幅飄搖任所之
風緊人將朝雪卜
天低力破凍雲移
打頭楓落江橋後
倒影冰消野浦時
安穩全家溪上住
輪他酒店幾青旗

寒岫

濃潑寒雲掃不開
遠窗一眺一徘徊
尋梅有客騎驢上
冒雪何人放鶴來
曉霧寺鐘吹隱隱
晚晴樵笠畫堆堆
惺忪睡態教呼起
須待流鶯次第催

寒潮

驚地奔騰海若豪
秋濤滾盡又寒濤
氣連江白日無色
風

挾霜飛天欲號北固山沈鐘一閣南朝夢冷雪千艘凍膠
酌罷人聲寂鄉思滄滄付浪淘

寒樵

長年生計足煙霞晚踏空山樂更賒解渴半瓢殘雪水磨
肩一擔老梅花天懷落落澗邊鶴歸路迢迢林際鴉夜靜
歌聲何處起松明幽火短籬笆

寒窗

結網垂竿妙取裁老漁家具更相猜掠波一艇棹煙去踏
浪幾家擔雪來用異釣車須水淺曬從村舍識冰開腥風
澹虛軒存稿
日暮前灘起都把銀鱗換酒回

寒蔬

歌殘長斂食無魚吉蓄三冬足冷蔬筵供淡羹名土饌籬
編短竹野人廬收遲菜把霜千稜種傍梅花月一鋤釀就
臘醅相配好辛盤還擬薦春初

寒吹

鎮日信信力漸微豹聲遙辨是耶非燈紅漁舍初收網月
白牛宮乍掩扉巷北逐將街柝過村南迎趁酒人歸竹陰
底事眼難穩驚起漫空雪又飛

瑞蘭詩爲墨莊兄賦

蘭閣香生舊事誇泮池芹苻共抽芽分明博得紅闈笑箇是儂家及第花

小別怱怱又幾年栽培空負玉人賢而今重結同心契晤待風清月朗天

報到園丁喜欲狂占同吉夢瑞非常佩紉定比宜男草裝滿腰間瑟瑟囊

病起

一病經年舊業荒雅游回首記多忘光陰迅疾同梭擲元澹慮軒存稿

三

夜燈殘社甕香酒魔人伏病魔纏藥椀熏爐未誓捐贏得一般清課好午牌吃飯四更眠

斐几筠簾拂拭頰齋頭筆硯漸相親寒缸乍對殘編展倦態難支轉惱人

窗前草色又煙消拾翠尋芳候匪遙預備青銅三百箇小紅橋店做花朝

和墨莊兄述懷詩韻

頻年斗室共高歌世故撩人歎奈何桐杖麻衣君恨永藥

爐茗椀我緣多欲償酒債兼詩債難掃愁魔况病魔天氣
囚人春欲暮落花滿院雨滂沱

回首當年把袂時忘形爾我每相規酒邊學紙分蕉葉花
裡搗箏和柘枝推不如敲爭一字淡而彌雋耐重思祇今
離索增惆悵病裡何堪往事追

仙緣未必飽胡麻共揖洪崖秘術誇沙裡篆痕詩脫稟案
頭燈影燭生花奇方授我延齡藥清供澆君破悶茶迢遞
蓬山何處是春雲盼斷碧桃斜

前期重憶覺恩恩水逝流光繫寸衷詩賸牛腰多棄擲話
澹盧軒存稿

畱鴻爪總虛空篆文蚓結雖同學墨跡豬肥卒未工尙冀
新篇頗示我一緘珍重付奚童

題春閨送遠畫扇

陌上垂楊已挂絲江南紅豆也盈枝天生一樣多情種慣
惹相思送別離

數聲風笛響旗亭多少離愁曷忍聽前路願卽休繫戀遠
山不及妾眉青

題麻姑渡海畫扇

海上三山認有無大風捲起浪花麤倘教米向中流擲定

混驪龍領下珠

寄懷石超然

蕭齋臥雨百愁新近况何堪語故人久病漸成長爪相多
窮難送細腰神廢吟那復詩囊檢斷酒翻教藥裹親多少
煙光都負卻恩恩又度一年春

近來情緒益如麻纜就千絲理倍加慘目黃墟蕪宿草

王筆

山蔚霞姪傷心青塚奪嬌花前月次兒孺前緣縱悟三生石

俱殺已久

前緣縱悟三生石死

別爭催兩鬢華殘夢驚回眠不得啼螿唧唧隔窗紗

塵衫滌脫杳前期說到微名意欲癡境幻夢游金馬地功

澹慮軒存稿

壹

難養到木雞時葫蘆畫我空依椽傀儡牽人少活絲伏枕
自思滋愧甚那堪曉漏滴偏遲

寄來尺素話殷勤惹我思君益愴君哭子淚吹彭蠡水懷
人夢斷豫章雲悲歌異地偏同調瑞兆新書證舊聞

聞有夢熊

之兆書中亦及之早起濡毫聊代柬何須浮藻寫云云

集文選詩祝雷太師母金太孺人八十壽

鬱鬱澗底松修條摩蒼天婉彼幽閒女容色更相鮮作嬾
君子室保已終百年萊氏有逸妻天下無不傳

上堂拜嘉慶星星白髮垂和顏既以豫燕婉及良時金鬯

含甘醴並坐侍丹帷取樂於桑榆繼繼情所希
時哉不我與良人顧有違舒情將焉訴游子寒無衣明晨
理機杼顏閔相與期善宦一朝通悲歡不自持
翦翠戲蘭苔相與復翱翔肯酒盈金罍高會君子堂賤子
歌一言歌之安能詳積久德逾宣歡樂猶未央

遣悶

去年病不死一病到今年骨瘦立如鶴血鮮啼類鶻茶難
孤悶破藥和百愁煎也作飛騰想尋思已惘然

養疴四戒

澹慮軒存稿

三四

戒服藥

良相醫國良醫起死一受其禍不死不止余病三年早慎
於此不草木之乞靈唯修短之受指夫子曰吾生矣

戒祈禱

長房役鬼鬼扶死退之送鬼鬼笑起况神之靈不止此朝
夕瀆之速辜耳大書齋壁永自矢夜來神笑點頭矣

戒暴怒

春溫秋肅天有常道人偏中之厥氣焉保同此境遇同此
懂擾人去我存我何如者噫嘻養福在和平而自召煩惱

恐可怒事多不怒事轉少

戒多慮

人如傀儡牽之即行又如碁子著著現成世人不察誤用
聰明驅心役腎自搖厥精吁煩慮紛紜疴益速何如安命
得長生

澹慮軒詞

婺源 程鶴輪 耕灣

長相思

送燕

來途長去途長何者來來去去忙烏衣薄倖郎 欠思量
已思量欲把相思滋味嘗教兒惱一場

西江月

秋夜懷石超然鵝園內弟吳城

一笛西風何處半簾冷月殘更尺書不到好音慳盼斷行
行雁影 燒得爐香已燼醉來樽酒偏醒相逢祇靠夢多
情吹滅寒燈略等

南樓令

借澣霞鐵生二姪步月出城遊煙霞小駐別壑歸途

口占

三折板橋長箇邊饒嫩涼不秋陰時也昏黃一塢紅霞吹
不散是明月是斜陽 去去覓書堂敲門夜午剛度瓜棚
來歷荷塘倚扁石闌憑選夢有蝴蝶有鴛鴦

釵頭鳳

效李笠翁詩餘集中體

蚊聲止涼如水夢醒紗幔新愁起
郎何地支頤記分明說
我識緣何事噫噫思來矣
羞開齒去年今夕歡娛死
郎乘醉兒妨睡羅衾掀
漏笑聲停未意意意

蘇幕遮

春游紀遇

鬢雲鬆眉脂暈不耐芳心已破
瓜期近故把東風輕詆恨
似怕娘聽卻要母來問
歎紅飛愁春盡幾是旣遊是替
花擔悶及被同行猜著晒
又作嬌瞋強帶三分溫

澹慮軒存稿

行香子

題美人病起圖

這度呻吟不解何因把斯人一病於今
澆無酒癖嘔匪詩
心合過些想多回夢懶聲嗔
舞腰瘦減淚腮紅破問情
魔何苦相尋奇方誰奇妙藥
儂斟只點爐香繞杯酒弄張
琴

臺城路

秋曉出郊送家大人赴白下

寒砧不管聞鷓鴣
夢聲雜來漁櫓瘦
柳疎煙長蘆浸月
畫出

秋波古渡悵然得句怪滿地啼螿紛紛和訴割斷離愁板
橋奈早枕前路 驚心荒城古戍這征衫黯澹何時拋去
湖水荷花江風楊子迢遞庚郵還數蕭條就語驛馬過沙
隄亂山遮住今夜思親識酒家何處

喜遷鶯

七夕

瓜期及矣喜隔歲離愁今宵提起烏鵲橋填蜘蛛巧送歡
樂這宵奚似縱是天荒地老那肯誓寒盟弛歎人間苦鳥
求雙飛枝爭連理 誰是能再生鸞鏡重圓長作鴛鴦比
簷慮軒存稿

金縷曲

七夕

昨事今休矣看銀河碧波四面紅牆高起爭似未曾歡合
好贏得相思滋味鴛錦織浩歎而已牛背臥忘憂還可祇
今朝纔是難調理咫尺地逾千里 佳期再盼知時幾况
仙家百年一刻滄桑彈指久怪姮娥春事暮依舊鸞笄遲
試惹處女也將恨寄底少婦更和愁寢算蛾眉從來天下

忌非關我也流淚

壽星明

壽邑侯朱鷺峰先生六十

象郡儒宗岫城仙吏才名夙傳溯秋風雁塔年猶綠鬢春
風鱸烹坐久青氈振袂游黔據鞍作檄醞釀經綸卅載前
眞堪羨果頭銜冰署德政珉鐫 陶然怡啟瓊筵肯更緩
稱觥小閣邊願三年績奏雙鳧高舉一麾浮按五馬榮遷
印復摹辛字重書亥嘯詠林泉老福全情難罄聊倚聲蘭

拍灑墨藤箋

澹慮軒存稿

2/2 250

